


京報
十卷

聚興報房

風雅文庫
文庫 19
F 44
12
早稲田大学図書館



恭
請

光緒二十二年十月十四日

F0044-(12)

光緒二十二年十月十四日

諭旨

目

錄

慶親王

奏

請

都統謙

奏

請

奏十五日奉
中興各
博欽
十月十四日
文
奏
請

十月十四日內務府國子監正紅旗值日無引見 雲南總兵
何雄輝請訓 吳樹梅謝授侍講恩 彭壽請假十日 阿克
東阿溥興各續假十日 文熙鑲照各續假十五日 掌儀司
奏十五日祭 奉先殿倫貝子行禮 昭見軍機 何雄輝

上諭御史胡孚宸奏南城指揮劉景韶於燈作李效勛等各
案均有勒索銀兩情事經該城御史訪知撤任該指揮尤復
希冀彌縫等語着該城御史查明奏欽此

工部瓦漆皮業經清理就緒一切未結均已露明所有

柱金柱鑽金柱大小額枋板枋檁梁椽望斗科椀桁及裝
修等項虧朽及小裂縫情形輕重不一奴才等詳細審看
一切木植其經久完善者尚有堪資選用之材而虧朽裂
縫之件亦復不少究應如何詳細揀擇應請 旨飭下
查估王大臣敬謹履勘妥慎擬定以昭慎重再
寶龕木植亦有虧朽情形並請 飭下一併查勘所有
拆卸各工木植情形謹恭摺具陳伏乞

皇上聖鑒謹

奏請

旨奉

旨已錄

奴才宗室謙光跪 奏為知縣運放兵米攙雜潮濕屢催
周應苦累兵丁謹據實糾叅恭摺仰祈 聖鑒事竊奴
才所屬密雲駐防兵丁二千一百名戶口七千五百餘衆
全賴餉米餉口當差近數十年來餉銀減成支領餉米按
四分之一支放加以銀價異常低落糧價日見增昂戶衆
之兵雖極力節儉饑寒在所不免若有愆期攙雜潮濕等

弊其兵丁苦累更有不可勝言者查本年賦課係密雲縣知縣殷謙領兌散放其春夏之米雖經籌墊已屬暫顧燃眉迨至開放秋季米石經奴才屢次牌催該縣始定於九月二十六日開放當經轉飭八旗赴倉支領去後旋據協領等轉據八旗十六個佐領下領催等稟稱各旗遵期赴倉支領米石見該縣所運之米攪雜糠土穀秕過半加以潮濕兵丁實難支食包封米樣呈請核辦前來奴才覆查屬實當即牌飭該縣將攪雜之米作速簸颺淨潔刻即開放以重兵食迨至二十八日各旗復赴倉領米驗看米色攪雜潮濕仍復如前顯係該縣並未搨簸等情奴才復又嚴催該縣竟置若罔聞任意延宕實屬罔恤兵艱不以兵精為重相應請旨將密雲縣知縣殷謙先行交部議處並請飭下直隸總督轉為嚴飭該縣將攪雜之米作速簸颺淨潔刻期開放以濟兵食倘該縣仍前玩視兵

稽任意延宕奴才再行從嚴叅辦所有知縣運放兵米攙雜潮濕屢催罔應請旨先行交部議處緣由是否有當理合恭摺具奏伏乞皇上聖鑒訓示遵行謹

奏請 旨奉 硃批另有旨欽此

二品頂戴新授江蘇布政使署理浙江布政使臣聶緝槩跪 奏為恭報微臣接署浙江藩篆日期叩謝

天恩仰祈 聖鑒事竊臣於光緒二十二年九月十七

日奉浙江撫臣廖壽豐行知藩司龍錫慶因病出缺委臣

署理藩篆遵於本月十八日將封存印信及文卷點查接

收當即恭設香案望闕叩頭謝恩祇領任事伏念

臣前蒙 恩遇簡授蘇藩遵 旨辦理浙省通商場

事竣再行交卸北上茲復備員浙右權領藩條仰咫尺之

天威深殷瞻就懍旬宣於臣職益切悚惶况當仕途既廣

之時用人宜嚴於旌別庫藏未充之日理財當謹乎度支

禱昧如臣恐難勝任惟有慎勤自矢策勵倍加遇事稟商

撫臣秉公整飭竭誠綜核以冀仰答

高厚鴻慈於萬

一所有微臣接署浙江藩篆日期並感激下忱理合恭摺
叩謝天恩伏乞皇上聖鑒謹奏奉 硃批知道了

臣奕訢等跪 奏為恭摺奏 聞事竊查軍機處歷年

所有漢字 諭旨寄信及議覆等項冊檔前於咸豐四

年奏明每屆三年繕辦一次自光緒十九年辦理以後本

年復屆繕辦之期前於三月內奏請繕錄並聲明將出力

之供事隨案擬保奉 旨依議欽此臣等遵即查照成

例內閣中書十六員分冊繕寫並揀派軍機章京總司校

勘計自光緒十九年正月起自光緒二十一年十二月上

共三十七冊又逐日登記號簿十二冊又洋務檔二十冊

又電寄檔二十一冊又引 見檔六冊早事檔十二冊

並將積年舊檔一律補綴齊全查歷屆辦理清漢檔冊告

竣均經奉蒙 一賞給議敘在案此次繕寫三年檔案並
將積年各舊檔督飭供事人等修補完善所有承辦各員
及在館供事等可否比較歷屆告竣之例酌量賞給議敘
出自 天恩如蒙 俞允 臣等查明各該員功課及
供事分別等第咨部辦理所有軍機處漢檔告竣緣由恭
摺具陳伏乞 皇上聖鑒謹 奏奉 旨已錄

